

四庫全書

史部

欽定四庫全書

史部

江西通志卷四十一

詳校官監察御史_臣左周

檢討_臣德生覆勘

總校官知縣_臣楊懋珩

校對官中書_臣高 中

謄錄監生_臣劉廷勲

欽定四庫全書

江西通志卷四十

古蹟

撫州府

西豐故城明一統志在府城西南五十里本吳西平縣
晉改曰西豐隋省入臨川縣

廢新建縣太平寰宇記在崇仁縣西南九十五里吳太
平二年置隋開皇九年廢入崇仁

廢安浦縣太平寰宇記在崇仁縣西南二百六十里吳
太平二年置以安浦村為名隋開皇九年廢入崇仁
廢西寧縣太平寰宇記在崇仁縣南六十三里吳太平
二年置以寧水為名隋開皇九年廢入崇仁

廢巴山縣太平寰宇記在崇仁縣西南三十一里梁大
同二年置以巴山為名隋開皇九年廢入崇仁名勝
志巴山故城在樂安縣西南三十里

定川廢縣名勝志梁分臨汝西北境置定川縣定川即

臨水也其治在今之雷坊去縣北五十里

按明一統志母城即其地也

工塘城明一統志在府城東南四十里梁周廸築

洛城明一統志在金谿縣西四十里梁周廸築

古州城名勝志汝水西臨水東有平陸曰赤岡古州治也上有古城唐寶應中太守王圓自赤岡移治於連磬小溪之西陸赤岡治即此

神運城明一統志在樂安縣南八十里相傳唐羅僕射

領兵逐寇夜有神助築城遺跡尚存

珊城林志在金谿縣西南四十里南唐李煜置

述陂城明一統志在府城西一十五里今為耕種場

三者城豫章書在崇仁縣南北羅念庵記崇仁治臨巴

水連市錯居南北相匝不辨郊野地號三者北耆列

官寺廟學南有東西二者民居輻輳嘉靖辛酉都御

史胡松建二城

石人苟伯子臨川記莫巨山巖內有石人坐磐石上體

有塵穢則興風雨洗訖晴日遍體潔朗如玉瑩淨

王右軍故宅晉書王羲之嘗為臨川內史置宅於郡城東偏旁臨迴溪特據層阜荀伯子臨川記右軍故宅其地爽塏山川若畫每至重陽日二千石以下多遊萃於斯有茱萸亭今舊井及墨池並在

墨池南豐集臨川城東有地隱然而高以臨於溪曰新城新城之上有池窪然而方以長曰王羲之墨池羲之嘗慕張芝臨池學書池水盡黑此為其故跡墨池

之上今為州學舍教授王君盛恐其不彰也書晉王右軍墨池六字於楹間以揭之

翻經臺顏真卿記撫州城東南四里為翻經臺宋康樂侯謝公於此翻譯涅槃經因為號公諱靈運元嘉初除臨川內史以曇無讖所翻大涅槃經語小質朴不甚流麗乃與沙門范惠嚴匡慧觀依舊泥洹經共為潤色勒成三十六卷義理昭暢質文相宜歷代寶之

石門關明一統志府城西三十里有石雙立號石門關
夾道多古松開池種蓮夏月頗堪遊賞故土人有十
里松風九曲蓮花之目

棲霞樓王韶之記城西百餘步有棲霞樓臨川王營置
清暑遊馬羅君章居之因名為羅公洲樓下洲上果
竹交蔭長楊旁映高梧前踈雖即城隍趣同邱壑

玉田廣輿記在崇仁縣南三十里玉田觀即蕭子雲種
玉處

金柅園家坤翁記郡圃夙號金柅自唐末以來多見於
詩人之題詠莫識其為何義金柅見姤初六姤之卦
巽來而乾止之巽為木乾為金故有金柅之象是邦
夙以汝水東南巽來為勝西北會臨水則乾也郡治
亦位於州西北來於巽之於乾可以會風氣而發奇
秀也晏殊詩臨川樓上柅園中十五年前此會同一
曲清歌滿樽酒人生何處不相逢王安石集句臨川
樓上柅園中羅幃繡幕圍春風觥船一棹百分空看

朱成碧顏始紅

東方朔像贊碑名勝志在宜黃縣合陂市輿地碑目云
德州有晉夏侯湛作東方朔畫像贊顏真卿書大字
勒之碑今在宜黃富民家凡為石六丈高一丈五尺
按王安石為相其師鹿岡杜子野省之京師瀕行問
所欲指壁間顏真卿書東方朔贊曰欲得此安石曰
墨本不足貴碑在河北當為致送于是示意州官輦
致其家世久為涂院判所得後歸栢林譚氏元季為

合陂黃司令攜去初琴樂堂以居焉至正壬辰燬
元子哲碑晏公類要崇仁縣南五步有唐大厯五年縣
令元子哲遺愛碑準尚書考功符建立顏真卿為文
并書

銀監太平寰宇記在宜黃縣東南一百二十里本臨川
之上莫鎮其山岡出銀礦唐朝嘗為銀監基址猶存
至周顯德五年析臨川近鎮一鄉并取饒之餘干白
馬一鄉立金谿場俱置鑪以烹銀礦

何仙舟書堂豫章書在金谿縣踈山唐何仙舟棄官隱
居讀書於此因號書山其書堂遺址尚存南唐始改
為踈山建寺其上有白雲閣一覽亭

迴龍亭豫章書宜黃縣北三十里荷玉山前有迴龍亭
觀風亭林志在懷謝亭東宋政和中郡守劉祐立
懷謝亭林志在郡治東園昔人建以懷靈運也

賞心樓明一統志在崇仁縣東南宋建臨溪之景堪畫
故名賞心

清風閣明一統志在臨川縣魯鞏詩百尺危梯屈曲成
闌干朱碧半空橫天垂遠水秋光淨雪壓羣山霽色
明海燕力窮飛不到郊園陰合坐尤清風前有客須
留醉莫放歸時月滿城

釣鰲亭名勝志樂安縣西三十里鰲溪上有亭曰釣鰲
亭

忠孝堂明一統志在府治宋守張滉繪晉太傅王祥唐
刺史顏真卿像於內

見山閣臨川集通判撫州太常博士施侯邈為閣於其
舍之西偏曰見山

擬峴臺曾鞏記尚書司門員外郎晉國裴君治撫之二
年因城之東隅作臺以遊而命之曰擬峴臺謂其山
溪之形擬乎峴山也其成之年月日嘉祐二年之九
月九日謝逸記政和元年中奉大夫狄公來守葺而
新之則三月十五日

鄒度支隱居名勝志在宜黃縣西十里花嶺上宋鄒極

熙寧中擢度支員外郎與執政議不合乞祠歸隱於
此自號一翁

飲歸亭魯南豐記金谿尉汪君名邁為尉之三月斥其
西垣為射亭既成教士於其間而名之曰飲歸之亭
瀛洲亭明一統志在金杭園西亭中景物為一州冠
玉茗亭名勝志在府治內亭下種玉茗花大如山茶而
色白黃心綠蕊人以此之瓊花亭前有石聳立如笋
呼笋石亭北為橫秋閣閣下為春草亭皆宋嘉定中

建

思軒曾南豐記尚書屯田員外郎林君慥通判撫州疏
其寢北之池立屋其上入而燕焉名曰思軒

積翠樓名勝志臨川金雞城上有永興觀觀有積翠樓
白玉蟾常棲真其中

棲鸞堂崇仁縣志在尉廳之北丞廳之西宋淳熙間令
張瀟建又有梅隱亭在丞廳東亦尉所居也祕書郎
夏旻有斷碑可考紹興丙子林黃中栗更亭為堂也

人何異有記

平心堂林志在府廳後宋嘉定十一年郡守趙師夏重建

仁壽堂林志在府治後嘉定十六年郡守王槐建以揭御賜仁壽堂三大字

金玉臺家坤翁記臨汝東西涯兩阜相望各以臺名一曰金石一曰玉石謂兩臺為地靈辟金玉為物之精粹舊有識語云金石臺分宰相出傳者以為晏王兩

相國之祥郡圃西偏有亭高聳虛曠兩臺彷彿在其
前蕪穢弗治葺之既成合兩臺之象而一之扁曰金

玉

明潤閣林志在府治內宋景定四年郡守家坤翁建

十以齋王容記少傅益國周公之世子綸以朝請郎通
判撫州事公作十以歲送之朝請至州則以刻石而
寘之廳事又以名其齋

望楚臺林志在府治後宋張孝祥為州守時創

壽樟亭林志在府城東北清遠鎮禪居東山有樟木一
幹圍三尋故名

近民堂林志在府治見山閣下宋淳祐間通判趙宜建
王容有記

相山堂明一統志在崇仁縣國宋令孫實建後改為放
生亭

鳴琴閣林志在崇仁縣治前臺門西宋紹興間令鄭賓
年建邑人鄧輶記

鄒極別墅名勝志在宜黃縣南塗黃嶺下宋提刑鄒極別墅在玉井傍時有道人自稱姓呂來輒索酒飲醉假枕眠公以珊瑚枕與之戲擲地而碎袖往井中浣濯復完隨於井上書玉斧泉三字人於井上頓足則起二泡合成呂字嘗於壁間畫一圓圖徑不滿八寸樓閣女樂皆具呂遽躍入圖亦漸褪夫人急以衣裾印之遂成一圖子孫世藏於家

綠畫軒王十朋記樂安孫君之居得甌山之勝於是枕

山而立棟宇結軒向明收拾景象取韓退之南山詩
濃綠畫新就之語名之

羊角洞天道園錄撫州譙樓前左有一卷石長三四尺
高二尺許人謂之羊角洞天相傳有人自青城來扣
石暫開得見洞府云宋紹興中守王秬覆以小亭久
之守林某掘地觀之未數尺大風起穴中懼而止景
定癸亥守家坤翁更新其亭而為之記

三山小隱名勝志在崇仁縣南十五里何同叔搜挾而

出者三山曰浮石曰玲瓏曰巖石其實一山也奇崛
鼎峙中貫一溪可容小舫洪邁為作浮石山莊記

拙齋朱子記臨川太守趙侯景明相便坐之北叢竹間
得前人所為秋聲齋者樂之因稍易其腐敗撓折之
尤者而日居焉更題其榜曰拙齋

林祕丞書屋名勝志府城西十五里五虎臺北屋有宋
林祕丞書屋按林夢英字叔虎登淳熙二年第知武
岡軍退居城西於金石臺上建樓藏書徜徉山水復

除祕書丞年踰八十卒人號山房先生

梭山老圃名勝志金谿縣北三十里地名青田為陸氏
世居九韶築室前山讀書講學以山形如梭號梭山
老圃

碧澗書堂見宋林夢英詩在麻源村臨川晁侯作

春風樓名勝志在府城南隅桐林嶺下宋州人董居誼
建誼字仁夫卒官四川制置使鎮靜不擾居鄉溫
坦易樓雖圯時人猶以春風目之

青雲亭名勝志青雲峯在臨川治南二里嘉熙庚子令
李義山作亭山巔名曰青雲亭董居誼詩溪傍好山
添翠濕亭依喬木得陰濃有人欲踏青雲路認取城
南第一峯

極高明樓道園錄崇仁華蓋山之陽有水曰珠溪余氏
之族世居之余氏之彥曰敬作樓於其居以瞻華蓋
於咫尺而以極高明題之從故學士吳公命也

御書閣名勝志崇仁縣東者有御書閣中藏宋理宗翰

墨曰藏修經訓竹閣梅亭共八字皆用御璽其餘制
詔尚多梅亭者邑人李劉之別號也嘉定進士卒官
吏部侍郎

逸老堂吳草廬集吾家士英年未六十舉家事畀其子
築新堂為燕休之所學士程公書逸老二字扁其額
士英吳氏升名居在樂安縣南之六十里

小瀟湘吳草廬集宜黃涂允端築亭江臯俯臨遐眺扁
曰小瀟湘又別營庵於先墓側題曰於斯後改曰塗

山庵

萬里窓程鉅夫記臨川鄒衆仁舉名其居室曰萬里窓
既請涿郡盧處道書其顏又請子為記

栖霞隱居傳若金記斜川宋氏有隱君子焉曰道霞父
得吳興趙公所篆栖霞二字因名其隱所曰栖霞而
自號栖霞山人

碧澗亭林志在金谿縣后車里元里人何茂甫建吳文
正澄有詩

南阜亭林志在崇仁縣南二里元虞集嘗作樂府一曲
約熊少府遊此

杏庭金華集臨川饒君孟持故詩書家其先祖手植文
杏一章於其所居之西兵燹之餘風枝露幹屹然蒼
烟因樹亭具側名曰杏庭

建昌府

南城舊縣建昌府舊志一在可封鄉一在塔埠今圯於
水失其處矣

廢東興縣明一統志在新城北三十里東興鄉石門里

地名城口

廢永城縣明一統志在新城北三里地名城頭二縣俱

吳置隋省唐復置尋省

南豐舊縣明一統志在廣昌縣東一十五里土屯耆

危全諷土城林志在南城縣南三十五里唐乾符末全

諷初起築城環數里後據撫州為楊隆演將周本所

敗地入偽吳城廢今猶名城上

鳳山堡城林志在府城北鳳凰山麓宋開慶元年知軍事雷宜中築又置鳳山寨景定四年知軍錢應孫添造寨門并樓元初廢

建昌軍舊城名勝志沿盱江而東至中坊寺西連七星閣北止天寧寺蓋軍城之舊也

劉季尖名勝志在廣昌縣南五里尖者嶺也世傳漢祖曾登此其上有壇下有漢王巖壁然如掃樵夫野史咸神之而不敢輒入

師姑壇明一統志在府城東五十里相傳昔有師姑卓錫於此壇每出遊山下必騎虎人呼為騎虎大師今壇上有像

小有洞天豫章書在府城西南十里麻姑山山麓有桃花源尋真亭山半有亭前有瀑布旁有雙練枕流湧雪雲關垂玉諸亭山門榜曰丹霞小有洞天門內有忘歸亭旁有水簾巖碧蓮池會仙亭諸勝世傳麻姑得道於此

麻姑仙壇顏魯公記按圖經南城縣有麻姑山頂有古壇相傳麻姑於此得道壇東南有池中有紅蓮近忽變碧今又白矣

鄧紫陽石榔府志紫陽隱麻姑山赴唐元宗召奄忽而化遣中使還葬麻姑山及改葬石榔惟存爐簡而已七仙閣明一統志在府治西舊傳仙人黎母吁母蔡經王方平葛仙翁謝靈運鄧紫陽俱曾游陟故名

按七仙列入謝靈運殊為不倫蓋靈運希佛見於

南史未聞其學仙也若麻姑自是方平蔡經一流
曷不以麻姑易靈運耶

紅泉明一統志在南城縣麻源第三谷自砂中流出色
紅謝靈運賦訊丹砂於紅泉宋李昉詩一派寒泉下
翠巖彩虹飛出亂雲端紅流傳是靈砂液深處應藏
九轉丹

麻姑仙壇碑集古錄顏魯公手書小楷仙壇碑碑陰附
刻衛夫人褚河南虞永興歐陽率更薛稷柳河東李

北海諸小楷俱稱神品志云碑刻不知何代逸去於時郡中所存止翻刻新本及正德間一樵豎偶於山澗鋤得之幸止斷去一角今篋置郡庫中

超遙臺名勝志在揖仙門北隅即琴臺也唐獨孤及為宰有月夜携琴登臺詩

新亭名勝志在盱江驛唐南城令王昕立獨孤及記

盱江亭林志在府城東盱水上唐制置使陳暉建南唐南城令陽翟徐寬重修韓熙載記

一字石名勝志在龍門橋左壁唐時有僧遊仙壇歸題
詩於石有自從宴罷歸來後寶殿瑤臺空月明之句
一樵者弛擔頃戲於自字上畫一字他日僧見之以
為自不如一之工忿恚而死至今一畫未泐名一字
石

花園舊志在南豐縣治後今名花園背前代春月官司
開園縱民遊觀迴闌曲檻花卉叢茂有瓊坊錦園之
號

七星杉豫章書在麻姑山嶺上圍二三丈高切雲漢橫
列七株故名

文殊臺明一統志在新城縣西南四十里舊福山院昔
文殊見此因名

江樓名勝志宋劉元載為南唐節度劉仁贍之曾孫多
才嗜學手抄古文千百卷與曾密公為文章友於安
禪寺南築長堤架層構榜曰江樓自號江樓居士曾
致堯詩劉八江樓雅詩家不易言春風花對岸夜月

水當軒即此處也縣志後百年屬曾氏為寇燬紹興
間曾式占重建嘉定十五年水衝樓仆縣令謝達復
為公館扁曰與造物遊紹定寇燬咸淳中令楊休擴
基構亭榜曰花岸水軒蓋取曾致堯句也元初又燬
歲被水齧基址畧存

秋雨堂名勝志江樓之下為秋雨堂太宗時江南歲旱
所部以狀聞帝因語曾密公以外帑之藏貫朽莫校
公對曰未若江南一夜秋雨之富也後以名堂

鳳翔臺明一統志在府治後宋黃曦詩春風桃李鳳翔臺

覽輝榭明一統志在府治後宋郡守張頌建

廉堂明一統志在府治東廳宋郡守李長民建其在郡治者又有冉香堂思政堂

甘露亭明一統志在府城內元妙觀宋景祐間甘露降松上因建亭

清風亭明一統志在府治南宋建眺望城外羣峰環列

宛若郭郭

醒心亭明一統志在府城東七十里杉嶺上亭下有泉
宋時鄉民王伯珍建

鳳山閣明一統志在府治東廳後與鳳山相對因名宋
知軍徐瑒建

熙春園明一統志在府治北宋時郡守遊宴之所廣興
記開慶元年郡守曾堃改為紅碧東園元初廢

神液亭名勝志在南城縣東十里東界山宋元祐癸酉

冬甘露降於山頂松柏受之沾凝數十逾月而釋太守王敷初神液亭其上

西池六亭明一統志在府城西舊有清暉水心冉香碧圓垂絲漣漪六亭環列其上

鳳山五亭明一統志城北二里鳳凰山郡之主山也宋太守黃師道建翔鳳曦光望仙凌雲朝真五亭於上李泰伯書堂明一統志在鳳凰山側

梳妝樓名勝志去瀘溪縣十里有梳妝樓石刻宋哲宗

妃石氏膏沐之所

集賓亭李觀記康定二年夏六月太守慎公作新亭於
軍門之南

龍馬山房府志在龍馬巖宋李觀聚徒講易處今隸瀘
溪

御書閣李旰江記皇祐三年以御書明堂及明堂之門
篆飛白二體藏諸名山麻姑仙都與焉

雲莊曾致堯記雲莊吾家之別墅在麻姑山南旰江之

北

中和樓南豐縣志在縣南濱江宋曾致堯建元大德間
圮

康樂軒名勝志麻源第三谷雲門寺後寢堂取謝公經
行之處立康樂軒宋元豐中僧思顯善書太守陳繹
命書卷石巖三字於寺側巨石上

三清樓輿地紀勝在新城縣東宋何淵何潛何濱兄弟
同登慶曆進士淵謚清節潛謚清敏濱謚清忠後人

暇江作三清樓以紀其盛也

南軒曾鞏自記得隣之第地燔之樹木濯蔬於其間結茅以自休囂然而樂廊廟之貴萬乘之富吾不願易也

芝軒南豐縣志在治西南宋元符三年夏六月芝生於射圃西縣令楊傑建軒

聶侍郎舊居名勝志府城內高空山俯揖雉堞遠覽江山之勝宋侍郎聶子述舊屋於此子述以制置使師

西蜀有名及致政歸適盜殺郡守朝廷遣將欲屠城
子述力陳民寃止殲厥渠魁郡人賴之

御書樓明一統志在府學南宋郡守錢應孫建

勅書樓明一統志在新城縣治前宋邑令徐觀建

平遠臺輿地紀勝在府治東宋郡守張允建地勢高爽
眺望江山宛若圖畫臺之西為極目亭

崇山閣名勝志在府治東崇峰瑰壯平遠之亞也

丹霞洞明一統志在麻姑山西七里宋紹興中有人避

寇登其上行半日見坡下草庵甚小一道人兀坐觀
書字畫奇怪不類世間書庵前一穴恒有風氣自穴
中出

擁青閣明一統志在南城縣治宋建

十賢堂明一統志在府治西宋紹興間蔡延世建祀郡
先達陳彭年李覲魯鞏曾布曾肇王无咎呂南公鄧
潤甫朱京朱彥

仁壽堂明一統志在府治內宋郡守孟默建

亦愛堂宋劉岑記童氏盱江之著姓也有袁州之學教授曰宗說即鄭圃而堂之余適讀陶靖節吾廬之句因名之曰亦愛

童氏園建昌舊志在城北門外宋熙寧中朝奉大夫童邦直所居之園内有春信亭毀於元今所謂童家湖是也

盱江館名勝志在府治東太守陳岐建

歸隱園建昌舊志在郡城南宋淳熙中尚書張大經晚

年奉祠歸里所建中有樓亭曰勝覽曰喜清曰野塘
曰識舟元燬今高空山下是也

山高水長樓林志在新城縣北宋縣令趙與澄建元末
燬

樞密府府志在役姑山麓宋樞密使包恢歸休於包坊
而別開府第於此

吳氏書樓陸游記南城吳仲與具弟倫初建社倉詳見
朱元晦所為記其後又初為大樓儲書數千卷會友

朋教子弟朱公又為大書書樓二字以揭之樓之下
曰讀書堂堂之前又為小閣閣之下曰和豐堂堂旁
復有二小閣左則象山陸子靜書其顏曰南窓右則
艮齋謝昌國書其顏曰北窓堂之後榮木軒則又朱
公實書之嗚呼亦可謂盛矣

樓臺烟雨亭明一統志在廣昌縣北龍岡西原宋縣令
朱汝賢建

總清園林志在府城東三里龜湖上宋寶慶中侍郎曾

穎茂所建園有亭曰清心曰清白曰清曠曰清修曰
清閱曰清好曰清豔曰清峭曰清妍曰清暢曰清賦
曰清真曰清婉曰清淑曰清華曰清眺曰清蓮故名
之曰總清園後水衝決圯於江或曰今龜峰寺乃其
餘址又有南塘園在城南門外侍郎曾穎茂游息之
所

老彭村林志在南城縣曾潭彭氏居之有老翁百餘歲
淳祐間知軍事鍾季玉書老彭村三字表其門隨奉

朝請復其家今諭旨遺落而額字猶存

盍簪亭明一統志在新城縣北二里宋淳祐間縣令趙汝厦建久為水所決

妙墨亭明一統志在舊府治西與紅屏石對峙宋李少監佩易名印山堂

斧袞齋符正民灌園集序南城呂南公熙寧初嘗預薦試春闈不利築室灌園不復以進取為意益務著書且借史筆褒善貶惡垂世立訓遂以斧袞名所居齋

照碧亭明一統志在新城縣北二里左面石峽下臨深
潭宋治平中楊傑經遊題詩有山水相照碧之句故
名

平西臺周益公集先是邑令王珪建平西臺於治西北
故廣昌邑號平西

龍溪故居名勝志廣昌縣東北八十里有龍溪宋樞密
李山甫愛其山川之勝自南城來居號曰龍溪釣翁
藏書山房楊誠齋集在麻姑山仙都宮之西淳熙己酉

知建昌軍三衢江自任為國子主簿何同叔作月扉
風櫺縹緲飛動若出天半續經史百氏於其中談者
以為山中盛事

景賢堂林志在府城北鳳凰山麓祀宋儒李泰伯寶祐
中知軍事楊瑱立興文堂歲三月率僚屬致祭以曾
子固鄧聖求侑食毀於元明成化三年吏部主事左
贊䟽請表墓立祠知府謝士元構堂易名景賢學士
陳鑑記

孝子堂林志在南城青綏為孝子黃覺經建元趙孟頫
詩南城青綏孝子家至今門戶生光華百年往事已
陳迹路傍過者恒咨嗟

望烟樓南豐縣志在集賢坊西南元譚萬一萬二兄弟
創此樓登之以望里中無烟者助以薪米其址尚存
藏書閣明一統志在南城縣麻源三谷元程鉅夫建自
為銘

義門南城縣志在十四都吳楚七世同居天啟間旌其

門

黛碧亭廣昌縣志在縣東隅宋揭叔中叔元兄弟讀書之所明景泰五年叔元之孫稽重建

荆藩故府南城縣志在府城西南明宣德四年封憲王瞻垌於此正德四年改封湖廣蘄州

益藩故府南城縣志明成化二十二年封憲宗第四子益王祐檟於南城弘治六年因荆府故址而廣之

曾巖祠亭李西崖集景泰間訓導汪倫即河東山麓公

舊讀書巖為亭名之曰曾巖祠亭

江山一覽亭何喬新記白水黃氏世家邑之大岡圩水
曲折流其前崇巒峻嶺環峙其左右愈宣作亭以覽
山川之勝而扁之曰江山一覽先冢宰嘗賦詩以紀
之

雲峯別墅羅倫記遡臨汝而上圩者千里山水名天下
在廣昌者雲峯最善太守饒公秉鑑始主而居之名
之曰雲峯別墅

觀瀑亭明泰夔記麻姑絕頂有泉自丹霞觀西北來伏
流數十里經仙壇下與神功泉會其流瀦瀦響振林
谷誠山中之偉觀也成化辛丑適祀麻姑獲觀是
泉而愛焉因命道士洞淵作亭其旁扁曰觀瀑

江山勝覽亭南豐縣志左曰觀瀾亭右曰仰高亭三亭
俱在南臺山明嘉靖三十四年知縣張鵬翼建

辨香亭南豐縣志在讀書巖側曾文定祠後明嘉靖十
五年僉事趙葉建

來鶴亭府志去瀘溪縣北一里有平步山上有來鶴亭
相傳未析縣時有雙鶴飛鳴於此故至今縣名鶴城
岐山師古亭府志在瀘溪縣七都與六都之漢嶺師古
潭遙相對先時邱逸鄒志本並解綬歸隱合志同居
企慕古學其題曰漢嶺景東漢節義題曰岐山景姬
文作人之化今亭遺跡尚存

廣信府

永豐故城太平寰宇記本饒州弋陽縣進賢永豐里也

乾元元年正月與州同置路通閩川越客擔荷磨至
元和六年廢入上饒

廢寶豐縣明一統志在弋陽縣境宋淳化間以寶豐場
置尋廢為鎮

石堂名勝志在縣南一百六十里中可坐數百人臨貴
溪水源古老云是鬼谷先生之居下為石堂溪

蘇秦臺明一統志貴溪縣西南七十里鬼谷山有蘇秦
臺張儀井

飛昇臺龍虎山記貴溪縣西南八十里兩峯相峙狀若
龍虎漢天師張道陵煉丹於此下有演法觀古松夾
道丹竈丹井及飛昇臺遺址尚存

張天師草堂名勝志在龍虎山即上清宮之三清殿有
唐常建詩載藝文

王表巖太平寰宇記在貴溪縣南二里昔有王表率村
閭數十家於此巖避亂竟免洞穴奇絕可容百餘人
周瑜故宅名勝志在府治後今半為天寧寺基半為上

饒學基

隱士石室太平寰宇記在弋陽縣南六十里按鄱陽記云有隱士張氏琢石為室形如囷時郡守鄢陵庾翼欲表薦之隱而不見故號隱士石室

待賓院名勝志弋陽縣東二十里有待賓山梁大同七年嘗置待賓院隋始廢

桃花臺名勝志弋陽明溪濱有桃花臺高而平坦昔人種桃煉丹於此有桃源院

杏花村名勝志玉山縣治西隅臨溪有杏花村相近有
蔡家園今皆廢為桑地夾塏水不能侵諺云水侵蔡
家園玉山出狀元

七星井名勝志玉山縣市中有七星井昔人開闢坊巷
穿七井以象天之北斗以鎮地脈近為水衝凡井之
在東南方者悉沒於溪

閣立本宅峴泉集信之玉山東為功曹山山之下為龍
洞唐相閣立本宅其東禪師貫休寺其西

陸鴻漸宅明一統志在府城西北唐陸羽嘗居此號東
岡子刺史姚驥嘗詣其所居鑿沼為渟泐之狀積石
為嵩華之形後隱士沈洪喬葺而居之圖經羽性嗜
茶環居有茶園數畝陸羽泉一勺今為茶山寺

弋陽館名勝志唐時有弋陽館張祐詩一葉飄然下弋
陽殘雲昏日樹蒼蒼葛溪漫漶干將劍却是猿聲斷
客腸

上饒亭唐張祐有題上饒亭詩

北樓唐李郢有夏日登信州北樓詩

芒洲花園名勝志在貴溪治東里許洲產鬱金香花園
為唐詩人吳武陵所刵

潛谷洞貴溪縣志在縣西南五面山下深廣可居唐吳
勔建齋於此名曰潛谷名勝志勔自濮陽徙貴溪讀
書五面峯之一線天元和間以白衣召拜水曹郎中
四十卽懸車學者稱為潛谷先生

鄰幾堂名勝志在城中信美坊宋天聖中江休復為州

司法時尹師魯蘇子美每燕集其廳事俗呼為鄰幾堂

魚計亭名勝志宋趙叡元祐中官職也先居鄭州作魚計亭宇文黃中為亭賦其子賜以提點坑冶來居玉山亦作亭於章泉上刻舊賦於石

君子亭名勝志在玉山縣南二里宋直龍圖趙文若賜嘗居此呂頤浩以書寄信州守連南夫曰趙文若父子皆士林宿望治封有賢人君子可厚加禮後人因

取其語名之

靈山亭名勝志在祥符寺晁謙之詩寶刹千尋出天外
靈山三面落樽前徐師川詩遊客乍驚人外境居僧
初識面前山

玉光亭名勝志信州圖經云玉光亭在縣廳之東不知
所自有章子厚王荊公詩碑在馬郇公詩千層懷玉
對軒窓池上新亭號玉光祇此便堪為隱吏神仙官
職水雲鄉荊公詩傳聞尺玉此埋湮千古誰分偽與

真每向小亭風月夜却疑山水有精神

面山堂名勝志在上饒治內宋時建晁謙之詩誰榜鈴
齋作面山晦明終日捲簾看賦成夜燭纔銷寸衙退
朝曦未半竿

製錦堂名勝志在玉山舊治內宋令浦城章得象有治
績後人思之乃取楊大年贈詩名其堂

水雲堂名勝志在東尉廳縣尉喻樛建取章郇公詩中
語以為名今稅課局是

百花莊名勝志宋太守張良朋所砌在上饒縣城外南山之嶺面直靈山有溪山堂曾南豐所嘗游歷地也
蒼簣亭名勝志龍圖學士韓元吉字无咎自潁川徙居上饒所居之前有澗水故號南澗澗南有園築亭號
蒼簣

霞落園名勝志在鉛山縣北關外三里宋紹興間閩寇范汝為之亂丞相李綱將兵萬五千人駐於霞落即
此地有相公府元時鉛州故址尚存

中和堂府志在府堂西宋紹興六年知州事趙彥勵建
後有香遠亭

康樂園府志在弋陽縣宋陳文正宅西為文正休老之
所有樂生庵隔塵橋及醉白忘機狎鷗觀魚四亭又
有竹塢松徑

御翰樓弋陽縣志有二一在陳文正宅東以貯頒賜圖
書誥敕鑒帖一在九川少卿李奎藏御賜五倫書之
所

鶴嶺精舍府志在貴溪縣十四都宋翰林檢閱邵士英建有記

列岫亭府志在玉山縣溪南宋龍圖閣學士韓元吉建沙鷗亭府志在永豐縣杉溪有深淵雲濤石壁奇潭諸勝宋提刑俞琰建今改名曰砥柱亭

清樾軒府志在上饒縣北廣教寺宋曾文清幾所居曾逮詩開軒在獨園繞屋得清樾

能賦堂韓元吉貴溪尉舍記舊有黃梅出於垣間元符

己卯歲廖明畧舉宋廣平之事題曰能賦堂以况尉
君曾敬之也後八十有二年福唐鄭肇之來尉於此
乃葺堂而更新之訪梅之枿而增培之榜曰絕塵蓋
取晁无咎詩中語

狀元亭林志在鉛山縣西北五里為宋劉焯建

養志堂蘇堅記余到鉛山官越明年治之東堂壞既更
新矣乃以養志名之

好仁齋府志在鉛山縣廳後宋縣尉馬子嚴闢齋以望

鵞湖之高峰朱子過之名以好仁韓元吉作銘

跨鶴臺名勝志孔雀寺南一臺其地高爽登之望見一

城名曰跨鶴

一杯亭名勝志在南屏山南臺左宋趙汝愚為郡未踰
年政成惠洽郡人建祠設像為之祝壽汝愚因觴客
於中命撤其像戲名曰一杯亭取且盡生前一杯酒
之義也

極目樓府志在鉛山縣治東宋淳熙六年縣令陽羨蔣

仲永建榜曰極目野處

禪月臺在玉山縣洪邁詩玉峰點寥廓霄漢疑可梯玉
水環城陰濫濫方拍堤層臺擅二美吾策時一攜

友直軒名勝志太霞宮多竹諫議尹穡構軒以居之曾
文清為名友直贈詩云直哉少稷甫一室清於冰危
坐對書帙曲几非所凭日暮無人來踈籬上空藤惟
有手種竹挺然得其朋

吟陽精舍府志在永豐岑陽宋翰林呂志遜嘗吟詠其

中土人遂呼為吟陽

敬齋陸象山記吳公博古為齋於治之東偏名之以敬
請記於余

至樂齋府志在上饒縣宋周舜元寓居之號呂居仁詩
人生各有樂所樂故不同

方齋明一統志在玉山縣錦衣鄉宋諫議大夫尹穡寓
居懷玉山時所名自為記呂東萊詩世皆尚圓君獨
方富貴可取君不忙閉門讀書聲琅琅舊書重疊堆

滿牀

南池名勝志廣里許相傳舊為州學泮池中多菱芡起
居舍人汪應辰通判趙不慳嘗築室其旁有古亭新
亭水村半僧寮南峰諸勝

尤美軒名勝志在茅尖山側去玉山縣治三十里縣尉
俞子才題呂居仁詩茲軒在何許遠在洞巖側每懷
山水勝自與塵凡隔

新亭名勝志懷玉山龍溪上有新亭曾南豐子固嘗遊

馬

二老堂明一統志在澄心院中堂壁有畫維摩詰上龕
南禪師及李彌大尚書三像按彌大姑蘇人仕宋顯
謨閣學士世亂居於玉山衣錦鄉依山為堂額以老
山赤松之名

碧落洞天林志在弋陽縣治東北里許山甚巖險石壁
有碧落洞天四大字書法精妙相傳為仙筆

白雲洞名勝志溪南有白雲洞志云鄭望之弟吏部侍

郎資之故居也

中和堂明一統志在上饒縣治

駐雲堂明一統志在鉛山縣東二里白玉蟾記

香遠臺林志在上饒縣治

歸雲堂明一統志在衣錦鄉石僧院汪應辰詩浮雲本
無心人心逐雲去更作歸雲堂雲歸竟何處

六經圖碑明一統志在上饒縣學宋信州守盧天祥刻
朱子書計六石陰陽俱刻計榻十二幅

思默堂明一統志宋徐元杰夢神人繫黑犬過堂下初
未知何義是歲登第文有默道主司以為神語乃悟
默於字為黑犬也元時裔孫子奇建堂以志之韓性
為記

三峯堂名勝志在貴溪縣三峰之下宋員外郎徐紹景
昭讀書處後更為象山書院

梅巖精舍府志在懷玉山下宋王斗山隱居磨石鐫青
天白日古今一人至元逸民十二字

象山精舍名勝志宋儒陸九淵講學處九淵與朱子書
精舍前兩山迴合如肘臂兩腋開有二池東曰濯纓
西曰浸月一家結廬於東塢之上北精舍之地為少
高雲所自出故名以儲雲一家結廬於前山之右北
精舍之地為少卑有石澗飛瀑縈紆而帶其側因名
以佩玉

趙氏書樓名勝志宋直敷文閣宗人趙不迂所建邑人
舊無藏書者士病於所求今所儲凡數萬卷經史子

集分四部立一人為司鑰掌之有來者導之登樓樓
設几席使得縱觀

清風峽名勝志在鉛山縣西北五里長五丈濶五尺宋
狀元劉焯嘗讀書於此兩崖巘崿行裂石間清風透
體六月如秋外有石洞可安几榻

經綸堂名勝志宋祥符間武城人龐籍侍其父為鉛山
稅官嘗肄業於觀音山之崇壽院院有經綸堂至今
畫像存焉

按林志堂縣尉方元寀建像縣令羅彥成畫

東園府志東山在鉛山縣東三里有雋遊亭宋舂陵守趙克夫治其地為東園今廢

谷隱堂名勝志呂丕問家東萊時所居名谷隱及來玉山又作此堂其猶子居仁賦詩云客中不顧生事窘所至有堂名谷隱

黃公亭徐觀記黃公名衮令我玉既去邑人築亭繪像而奉之故榜遺愛歲久復新更名黃公屬吾宗文卿

記其事考亭先生大書而揭之不知幾年復湮沒至
正己丑酹溫台氏壽安來監茲邑訪亭故地捐已俸
構亭以奉祀事

冰玉亭名勝志在玉山縣治東宋淳熙間江東提舉周
文正建取唐戴叔倫詩冰為溪水玉為山句為名

西清桂明一統志上饒尉曾逮手植桂於廳後人懷其
德名之曰西清桂有松風亭橫碧軒縉紳多為題詠
翁和堂廣輿記在玉山縣北鄉宋理宗御書其額賜韓

祥兄弟

天開圖畫亭明一統志在玉山縣南鄉宋侍郎韓祥築
程子真詩南山秋色壯吟懷眼底天然畫幅開

翠微樓興圖備攷在府治宋慶元間知州趙伯璜建
賈元放故宅名勝志在鉛山縣北舊圖經云邯鄲賈逸
元放作半隱齋陸游為之記

本心樓吳草廬集上清道士劉立中致和得地於龍虎
山之仙城築宮以祠老子而象山直其東乃相西偏

作樓三間以面之藏書數百卷扁之曰本心焚香讀書其間儼然如瞻文安在前也

梅亭林志在弋陽縣南山之陽元隱士陳德文教授鄉里所築扁曰梅亭袁桷有記

瓊林臺林志在貴溪縣龍虎山元陳璇有記

菊莊上饒鄭氏所居揭傒斯寄題菊莊詩上饒所隱者鄭氏善為方移居倪陽里種菊今成莊

溪山一覽亭張翥記玉山之半為溪山一覽亭

凝翠臺林志在龍虎山去上清宮西十里元饒宗魯有
記

素華臺林志在龍虎山下元陳璇詩白玉尚懸文玉樹
碧宮還結水晶牆

芳潤堂明一統志在懷玉山之陽元鄭伯飛建取陸機
文賦語名堂堂前有亭曰若冉堂左有樓曰覽輝王
沂記觀其堂知其學於文觀其亭知其志於用觀其
樓知其審於出處

溪山勝覽樓李奎記弋陽縣治之東不一里葛溪驛樓
高可二丈有奇廣可布席坐數十人周護闌楯景泰
癸酉冬憲副四明韓公暘按臨過驛命郡守四明姚
公堂重加修創以溪山勝覽四字大書揭其扁

聯奎堂黎近詩序信之香溪王氏之居也洪武中御史
君以乙科顯於前永樂中提刑公以甲科顯於後一
門父子文章事業輝耀當世故有司徵天文援故事
建表以旌其美而縉紳儒宿又即所居之堂而稱述

之

象麓草堂府志在貴溪縣象山書院下明桂州夏言建
費文憲宏詩有客暫辭青瑣閣草堂新築白雲山

孝友堂府志在鉛山縣明費文憲宏建以表其先人祖
父兄弟之孝友

四皓同心堂府志在貴溪縣城儒林坊邑人汪姓兄弟
四人白首同居人稱其友御史徐盈書扁贈之

食力草堂府志在貴溪縣明徐貞明為給事時䟽救給

諫傳某被譴歸構堂於南鄉吳國倫有記

鵞峰草堂府志在永豐縣東三十里鵞山足貴溪夏言
有為永豐呂孝子賦鵞峰草堂詩

表忠閣府志在府城外溪南謝疊山祠明萬曆間知府
孫從龍建

大忠臺府志在府城外溪南謝文節祠後臺據山巔登
眺則邑境可徧明萬曆丙戌知府孫從龍建

歸然樓貴溪縣志在十四都明里人邵秀奉父樞於樓

下忽火起秀撫樞籲天而泣廬舍悉燬惟樓獨存人
以為孝感所致參政江璞書扁曰歸然

望火樓府志在貴溪縣仙源鄉明邑人夏原友創洪武
間歲侵疫作民飢死者相枕籍原友盡發囷粟以周
濟之鄉人待之舉火者遠近無慮數百室原友復旦
夕策杖往來芋荷之源登山四望見屋無炊烟者則
使人囊粟往賑之明年歲乃豐鄉人競償以粟原友
不受因即其所登望處建樓名曰望火



江西通志卷四十

欽定四庫全書

江西通志卷四十一

古蹟

饒州府

故鄱陽縣太平寰宇記卽漢番君吳芮所居之城也在
彭蠡湖東鄱水之北明一統志在府城東六十里

觀獵城明一統志在府城西十八里漢吳芮觀獵處

吳闡城明一統志在德興縣南七里世傳吳芮嘗馳馬

於此又有吳王鑄印堆鳳凰臺走馬堤淬劍池大小
花山宋張燾居此亦名吳園

英布城明一統志在府城西北一百五十里漢初吳芮
築以居布

廢鄆陽縣太平寰宇記在鄆陽縣西北一百二十里按
鄆陽記云漢高六年置劉宋永初二年廢

樂安廢城豫章書在德興縣東一百五十里漢靈帝時
築晉屬鄆陽郡後廢

東安廢縣雷次宗豫章記漢永安中置縣在銀城太平
寰宇記在樂平縣東水路三百二十里按顧野王輿
地志陳天嘉元年廢

彭綺城明一統志在樂平縣治東吳黃武中鄱人彭綺
所築

安仁故城太平寰宇記在餘干縣東南一百五十里按
鄱陽記云晉永嘉七年分餘干置興安縣尋廢陳天
嘉中復於興安故地置安仁縣至隋開皇九年廢入

餘干今故城猶存

廣晉故城名勝志在鄱陽縣西北一百八十里今名廣晉鄉有城基晉書有廣晉縣云

銀城廢縣隋書地理志陳置縣平陳廢入鄱陽明一統志在德興東一百二十里

白雲城明一統志在餘干縣治西相傳隋末林士弘所築唐劉長卿詩孤城上與白雲齊萬古蕭條楚水西官舍已空秋草沒女牆猶在夜烏啼

玉亭廢縣明一統志在餘干縣境唐初置玉亭長城二縣尋省玉亭入長城

長城廢縣唐書武德四年置八年省入餘干名勝志今安仁縣長城鄉是其廢址

涪州城豫章書在府城西北一百三十里唐武德五年置尋廢

廢新平縣太平寰宇記在州東三百三十里常季武併廣晉入鄱陽至開元四年刺史韋玢於其地置新平

縣今廢

新昌廢縣豫章書在浮梁縣新昌江口唐開元中置縣於此後徙於溪北此城遂廢

長樂舊城名勝志在樂平縣之桐山鄉唐開元間建樂平縣處今名長樂水口

南城林志在浮梁縣昌江南唐王巢亂縣令金日安徙民居以避之

石港城林志在德興縣榮祿鄉元末王溥築以自固

仙人城太平御覽餘干縣東南二百里
有城皆峭壁危石亭亭千仞自古呼為
仙人城每天空無雲秋日清曠即其上
宮殿倉廩厯厯可見

堯故亭王韶之記堯山下有平陵陵上
有古大堂基十餘處雖已夸漫而猶可
識謂曰堯故亭父老相傳堯南巡登北
山故亭即其行宮

按傳稱帝堯茅茨土階為古來第一恭
儉之主豈其行宮廼有大堂十餘處
耶王記頗涉不經姑錄

之以俟考古者訂正

吳芮舊居鄱陽記鄱陽源水吳芮所居處鄉人立為祠
堂東有石澗深三尺鄉人將牲牢告啟擊鼓三通其
水衝出大流隨用並足太平寰宇記在浮梁縣東北
六十里輿地紀勝芮宅有馬跡石有龍泉泉出石壁
四時不絕漢梅銷宅亦在其處

觀魚臺太平寰宇記在州西門外鄱陽記云番君嘗至
此觀魚下有池澗九十步池內有走馬埒又名落照

池

督軍臺明一統志郡城之東湖一名督軍湖番令吳芮嘗習水戰於此有督軍臺尚存

黃金采漢書地理志鄱陽武陽鄉有黃金采顏師古注云采者謂采取金之處

武陽亭史記索隱豫章接鄱陽界地名白沙有小水入湖名白沙湖湖東南有武陽亭

釣臺圖經樂平縣樂安鄉有釣臺巨石上有雙膝跡宋

金匱要略卷四十一
許惟中詩何代何人把釣緡至今猶有釣臺存身名
俱隱成真隱呂渭巖灘未足論

遐觀臺輿圖備考在府城上

文翁宅太平寰宇記在鄱陽縣東一百五十里基址具
存東帶鄱陽南連溪水西接望夫岡有井澄清隴前
栽桐樹

雷義宅鄱陽記大雷岡後漢雷義字仲公所居太平寰
宇記在鄱陽縣東北七十里名勝志宅基有井井中

有鐵釜

雷煥宅鄱陽記小雷岡晉雷煥所居之處名勝志在鄱陽縣東北九十里

延賓坊林志在府城內蕭家港相傳為晉陶侃故居侃友范逵嘗過侃倉卒無以待侃母截髮以易酒肴故名

蕭恢遺宅輿地紀勝永寧寺九眼井是蕭王宮故跡永福寺東臘脂橋昔時蕭氏妝樓宮人棄脂水流出橋

下故名名勝志洪武己酉卜安國寺以建郡治宣德
庚戌改建於蕭恢遺宅

蕭家莊名勝志梁元帝封子恢為鄱陽王此莊乃給王
宮脂澤者王去郡捨為因果寺即今安隱寺也在會
昌鎮

柳公樓太平寰宇記在府城西北角梁柳惲為鄱陽守
所初唐大厯中第五琦以為望歸樓貞元十九年李
吉甫復其名曰柳公樓循舊跡也

堯山隱處唐劉長卿題王少府堯山隱處簡陸鄱陽詩
故人滄洲吏深與世情薄解印二十年委身在邱壑
買田楚山下妻子自耕鑿羣動心有營孤雲本無著
因收溪上綸遂接林中酌對酒春日長山林杏花落
陸生鄱陽令獨步建溪作早晚休此官隨君永栖託
鹿坡明一統志在德興縣銀山下唐永徽初張蒙遂白
鹿之所

玉石臺林志在安仁縣北三十里唐碑稱玉石雲岫巖

巒甚奇

永平監元和邵縣志置在郭下每歲鑄錢七千貫名勝志有問鑄堂宋洪皓詩澤國春寒未見花一江流水夕陽斜我來試上津頭望問鑄堂前有幾家

按太平寰宇記以監為偽唐所立謚

干越亭太平寰宇記越絕書云餘大越故界即謂干越也屹然孤嶼在餘干縣東南三十步容齋三筆吾州餘干縣東干越亭有琵琶洲在下唐劉長卿張祐輩

皆留題紹興中汪洋元渤一絕句云塞外風烟能記
否天涯淪落自心知眼中風物參差是只欠江州司
馬詩

按干越亭林志以為唐張彥俊建名勝志以為興
元中李德裕為令時建觀文房留題詩當由衛公
重葺也

白雲亭鄱陽記在餘干縣西南旁對干越亭而峙馬跨
古城之危瞰長江之深隨州刺史劉長卿題詩曰孤

城上與白雲齊因以白雲為名名勝志唐李德裕建
拍笑亭明一統志餘干縣西北六十里洪厓山瀕鄱陽
湖唐張盩煉丹其上有丹井仙壇觀拍笑亭遺跡

按張盩唐天寶間人見張燕公洪厓先生傳一統
志作晉人訛

紫極觀鐘容齋三筆饒州紫極觀有唐鐘一口形製清
堅非近世工鑄可比刻銘其上曰天寶九載歲次庚
寅二月庚申朔十五日癸酉造通直郎前監察御史

李逢年銘前鄉貢進士薛彥偉述序給事郎行參軍
趙從一書中大夫使持節鄱陽諸軍事檢校鄱陽郡
太守天水郡開國公上官經野妻扶風郡君韋氏奉
為開元天地大寶聖文神武應道皇帝敬造洪鐘一
口

魯公亭明一統志在薦福山寺寺有歐陽詢所書薦福
寺碑顏真卿嘗覆以亭後人因名

鄱陽樓明一統志在府南城上唐錢起有詩郡志云諸

樓觀皆屢更名惟此不改

饒娥雙闕名勝志在樂平縣東三里長城鄉唐建中二年黜陟使鄭叔則列其孝於朝得旨旌表即其所居建雙闕高二丈一尺夾街十五步對植槐柳蓋唐制也李昉柳宗元有饒娥碑記魏仲兕魏愔有饒娥碣陸羽竈明一統志在冠山唐陸羽鑿石為竈取越溪水煎茶於此今竈尚存名勝志上有煮泉亭

玉真臺名勝志在安仁縣後玉真山唐進士柳敬德寓

此讀書刻玉真臺三字於石壁

芝亭名勝志郡北門外一里為芝山楊盈川集云唐龍朔元年薛振為刺史山岡巔產芝草三莖郡人為立芝亭危坡屹起可眺匡廬

戴叔倫宅名勝志唐德宗時潤州戴叔倫來訪刺史馬戴戴為築宅湖上居之或曰薦福寺其址也

望戴軒名勝志宋周伯恭作望戴軒於開元觀東取望戴叔倫故宅之義張景修詩開元觀前莫騎馬叔倫

宅在湖水湄高閒隱士不趨府瀟灑使君為作堤胡
不乘興泛短艇湖中自有尋幽徑白雲隨過水晶天
清風載入琉璃境我來此軒逢羽人何必見戴寂寞
濱君不見子猷當時風雪夜至今扁舟在圖畫吳全
節詩茂林修竹岸西東白鳥行邊釣艇風市井恰當
荷蓋外樓臺渾在柳絲中烟濃湧出金仙塔雲薄飛
來玉帝宮更問戴家何處是放生池沼畫橋通

周冕隱居名勝志在德興縣西二里歲寒山上鑿歲寒

二字於石壁其下即歲寒溪汪藻故居在焉

秋水觀名勝志在子城上宋建

玉雪坡名勝志在州宅西宋建

江湖偉觀樓名勝志在行春橋側宋建

慶朔堂鄱陽遺事錄文正公所創在州圃之北偏左瞰

蜀錦石連流杯前占春香虛靜傍對湖光四望儀乎

古諸侯藏朔馬所以題之曰慶朔而且親植花卉欄

為二壇公既移潤作詩云慶朔堂前花自栽便移官

去未曾開

公景祐三年八月三日到任
五年正月十三日移潤州

年年憶著成

離恨祇託春風勾管來

五老亭鄱陽遺事錄五老峯廬山之勝也饒去江殆數

百里而州北芝山院危坡屹起晴霽間可以瞰焉公

下車題芝山寺詩有云偶臨西閣望

五老在
寺之西

五老夕

陽開之句寺僧遂作五老亭於危坡之頂饒之人寒

食以芝山為踏青所至者必曰范公五老亭也

春香亭虛靜亭鄱陽遺事錄春香虛靜分峙慶朔之前

與二花檻並列乃公之所建也慶朔舊常為宴賓之
憩樂既作於庭而卉木環抱得二亭掩映真娛樂之
趣也

碧雲軒鄱陽遺事錄芝山寺海會堂後之小軒也外瞰
危石中鏤幽檻軒簷之庭栽列花木蘭蘆諸藥似有
高人達士趣嚮公守饒時有昇上人占居此軒公每
到寺必適其處愛其閑寂瀟灑常為之留題曰愛此
詩家好幽軒絕世紛澄宵半牀月淡曉數峰雲遠意

經年就微吟並舍聞只應虛靜處所得自蘭芬

秋香亭廣興記在府治內宋景祐間提點鑄錢使魏兼
作亭培菊范文正有賦載藝文

蜀錦亭廣興記在府治內慶朔堂右宋范文正植海棠
二株其後鄒柯仰慕文正立亭題曰蜀錦王十朋詩
亭廢名獨在春來花自芳猶餘蜀中錦愛惜此甘棠
四望亭方輿勝覽在府城上四望豁然宋范文正仲淹
建王秬記汪彥章王十朋俱有詩

九賢堂鄱陽遺事錄州之後圃有堂焉四壁間圖陸襄
虞溥二內史梁文謙周魴二太守并柳莊儀同馬植
常侍李復刺史與顏魯公暨公凡九人

思賢閣王十朋記平政堂之北有閣北瞰郡圃九賢堂
四賢堂在焉登其閣思其人遂名之曰思賢

瀟灑齋王十朋記思賢閣之下有齋方丈餘采范文正
公郡齋即事詩名之曰瀟灑

清風臺林志在舊州治內宋時築又有高明臺在通判

廳南

鑑止軒餘干縣志在主簿廳後宋黃庭堅建有詩刻於軒中

御書樓府志德興縣有二一在八都宋董又官敷文閣待制哲宗累賜御札建樓貯之一在二十七都丁山藏宋高宗賜進士姜夔宸翰

聚遠樓林志在德興縣東南宋熙寧間余十隆創據邑最高處縣令單錫扁曰聚遠樓侍郎劉定記王拱辰

蘇洵蘇軾蘇轍黃庭堅馬廷鸞趙子昂俱有詩

乘風亭名勝志在餘干山龍池畔晴天開朗可望匡廬
宋熙寧中張樞密浚寓餘干時嘗攜二子杙杓登之
趙丞相汝愚別業在焉自題英楚冠冕四字

賜書閣在浮梁縣倪真孺記元豐七年神童朱天申年
十有二歲能背誦十經秋九月其父琇挈赴闕下上
書自薦既聞命試於禮部天子嘉之即命賜五經出
身遂釋褐賜錢五萬貫乃建閣於私第鬻書藏於其

上從弟天錫年十歲亦能誦七經相繼于澤所蒙恩
賜與天申等

三賢堂林志在府治內祀唐顏真卿宋范仲淹洪皓
肯堂名勝志在德興縣南二里宋宣和間余斂持節江
南詔許歸省乃構堂山下丞相張商英扁曰繡綵乾
道間其子瀚復新之朱子更題曰肯堂

綵衣堂楊傑記龍塘周氏五世同時子養其父而逮養
其祖之祖父鞠其子而及鞠其孫之孫州閭鄉黨稱

為令族縉紳士大夫樂為歌詠榜其堂曰綵衣

聽松亭林志一作軒在浮梁縣宋王人丞創有水禽三
巢怡然自得王安石詩野意肯為今客至舊巢猶有
主人知

景蘇堂林志在德興縣治西宋蘇軾子邁嘗為縣尉後
人思之故名

吳園彭汝礪詩序大理丞德興張公徙居吳園少有臺
榭池沼之好閣曰貽謀堂曰聚經曰至樂曰集虛軒

曰覺亭曰山曰觀德曰思賢曰紫筠曰澡雪臺曰四
并池曰四曲貽謀聚經子固更命子名曰燕閣曰書
堂蓋名簡而理無不在云

愛山樓彭汝礪記屏山在饒之浮梁東南秀麗出數重
溪橫其前外舅甯公宅於是始誅茅而為庵凌空而
為橋日與嘉客游以為未足乃面一山之勝而作樓
百尺既成落之名曰愛山甯公名錫字祐甫

識山堂方輿勝覽州宅有識山堂望廬山於三百里外

最為楚東之勝

仁壽樓府志在樂平縣靜里鄉宋提刑徐衡致仕高宗書仁者壽三大字賜之因建是樓址尚存

雷溪堂程舟自記僕奉家君猥居瀕溪溪深而淵淵腹有藏鉅石上覆下楹若室世傳雷翁石也因以雷名此溪既而誅茅立堂於所居之側又以溪名此堂故曰雷溪之堂

洪樞密別墅名勝志郡北朝天門外有洪遵別墅名曰

小隱又名盤洲庵又有雲竹莊瓊花圃皆諸洪別墅
綺霞亭府志宋知饒州王十朋建在舊州治內

絕境亭林志在安仁縣宋王十朋守饒嘗有絕境逍遙
雲錦洞句自注云安仁有絕境亭

瑞粟堂安志在德興縣治內宋時有瑞粟堂縣令石繼
曾立

浮碧亭名勝志在浮梁縣昌江之南山水奇勝宋縣令
張景修詩一潭秋水不到底十里曉山無盡頭

漫吾亭名勝志在浮梁縣東龍潭上宋程瑀自記暇日
與二三友縱步潭東南隅披榛斬荆臨渠而植樹水
聲噌吰如鼓鏞外瞰長溪鄱水之源發焉遠則奇峰
層巘卓然拱立輪青而聳翠爰即渠上為亭名之曰
漫吾

雲錦樓名勝志在安仁縣治前宋令崔同亭建下瞰錦
水舊設雲錦驛於此水發源於福建之光澤縣峭壁
千仞絢錯成章故有雲錦之稱

雲風堂名勝志在羊角峯之東山書院宋趙汝靚建汝愚之役弟也朱晦庵嘗寓其中注離騷經

遺書閣林志在樂平縣儒學講堂後宋楊簡嘗為邑令既去門人袁甫提刑江東命肖像藏其遺書於此袁甫有記

飽山閣廣輿記在浮梁縣前宋尚書程瑀建四面多山為一邑登覽之勝

鄭公亭林志在府城北五里宋鄱陽令鄭日新治政有

聲民建亭於通衢以懷之

三善堂林志在餘干縣治西偏宋令沈度政有三善一
曰田無廢土二曰市無閒居三曰獄無宿繫民謳歌
之堂成父老請以為名

經德堂安仁縣志在玉真書院內宋紹古建陸象山有
記辛棄疾詩平生經德幾人知莫忘當年扁字時

溪山風雨亭名勝志餘干縣西一里懸崖處多古梅曰
梅巖有宋理宗御書梅巖二字刻於石有溪山風雨

亭是趙忠定讀書處

史公柳名勝志鄱江之濱多柳宋知州宋定之植以休
息行人今呼為史公柳柳林港之名本此

朱魏孫宅名勝志在浮梁縣東五里山先是有道人至
此云文山秀拔當出王者師魏孫果拜太子諭德為
度宗傳

止水亭名勝志邵人江萬里退居饒城開襄樊失守乃
鑿池於芝山後圃扁其亭曰止水人莫喻其意饒城

破萬里乃赴池水死

儒富莊名勝志在樂平縣界馬廷鸞記叔翔既築儒富莊余往過焉縹囊緗帙魚魚雅雅其崇如壙

按叔翔姓名無攷廷鸞字翔仲樂平人淳祐進士即馬端臨之父也

老學樓府志在樂平縣宋馬廷鸞自題詩元龍高卧仲宣憂我獨叢書真此樓把卷欣將聖賢對憑欄遮斷古今愁山前翠樹森雲表林罅青秧匝隴頭收拾吟

篇俱老眼陳登王粲總悠悠

湖山樓林志在樂平縣東五十里瞰湖負山宋魏彥成
建孫覲記

登瀛閣馬存記程通叔於其居跨池為閣高壯偉麗聚
書其中以教子孫名曰登瀛林志在樂平縣東南永
善鄉

思正堂明一統志餘干縣後堂宋李虛舟建周嘗改曰
思政吳與復曰思正或問之與曰思正者思政之正

也虛舟之思正也思政之正而民感之嘗之思政也以私為思不以正為政而民怨之吾舍嘗而取虛舟馬

汲古齋林志在樂平縣宋程剛愍振之齋其子邁復揭扁曰汲古以承先志曾慥銘惟士尚志追探古心必有修綆其汲乃深

一經堂府志在德興縣三十五都宋鄧婦程氏建延師馬廷鸞教二子余軫余輔俱登進士廷鸞顏其堂曰

一經有詩云不是夫人勤教子一經誰創讀書堂

歲寒堂府志在德興縣治西宋邑人余瀚建朱子扁曰
歲寒堂

玉芝堂林志在舊州治內知州事唐震死節處宋通判
張閣建

春雨亭元馬端臨記樂平董君自明既葬其親塚柏大
矣結茅其間扁以春雨

世美堂虞伯生記趙忠定之孫吏部尚書必愿事穆陵

嘗書其堂曰世美以賜之國亡堂毀書扁不知所在
至燕邱必愿之孫由忠始得舊扁於他姓築堂於其
白雲城之居而奉其親焉仍揭舊扁

悠然樓鄱陽嚴氏書樓揭文安有寄題詩

源清樓在樂平縣朱公遷記曩昔承平之日余從子曰
仁可賓可信可者嘗作源清樓翰林危公素記之

東山閣林志在餘干縣章黻建虞集詩大明生我茅屋
東閣窓正對雲霞紅羣陰昭蘇光彩及萬物動蕩神

明通

香遠亭吳澄記安仁陳廣居家有園池之勝池中種蓮池上構亭扁曰香遠

看雲樓林志在安仁縣治西元吳全節投老之所順帝書扁賜之

芝山詩塚潛溪文集鄒有奇男子曰魯修結詩社朋十人皆緣情喜賦于時鄒數罹兵修懼其詩失傳珽埴為甃刻瘞之芝山屬其為銘

水木居王禕記安仁縣西十里高嶺之陽朱溪之上喬木陰翳蒼然相蔽虧子夔鄭先生之居在焉豫章胡伯友名其居曰水木居而虞文靖揭文安皆為之賦詠上清方方壺外史又從而圖之

後樂亭鄒守益記後樂亭者浮梁尹汪少泉為文正范公作也

淮藩故府明一統志在府城內北隅宣德十年以府治改建

南康府

彭澤故城元和郡縣志在都昌縣北四十五里晉陶潛為令理此城太平寰宇記其城漢高帝置屬豫章隋平陳廢今舊跡猶存

昌邑城豫章記漢廢昌邑王賀為海昏侯就國築城仍曰昌邑城東十三里江邊名慨口昌邑王每乘流東望輒憤慨而還故名明一統志今建昌縣北六十里昌邑鄉是也

孫慮城太平寰宇記在建昌縣南一百里慮吳孫權第三子黃武七年封建昌侯居此城南有青石井用綆十四丈四時可汲

左里故城元和郡縣志在都昌縣西南九十五里盧循為宋高祖所敗自蔡州南走還止潯陽聞大軍將至欲走豫章乃悉力柵斷左里及大軍至將戰高祖所執麾竿折幡沈水衆懼高祖笑曰往年覆舟之戰幡竿亦折今者復然破賊必矣即進攻柵城投水死者

萬餘人遂大破賊太平寰宇記晉盧循所築在湖左
因為名城基猶在

建昌故城舊府志去縣西百步其址今為古城巷

檀道濟城舊府志在都昌縣西北七十里即今城山

彭蠡戍太平寰宇記在都昌縣西北七十里彭蠡湖北
連釣磯山舊是鎮唐武德五年以江湖濶遠遂重置
鎮景龍元年復為戍以為衝要

檀山廢戍太平寰宇記在都昌縣北九十里與馬頰相

對武德五年以水陸要衝置戍貞觀元年廢

龍安故城舊府志在安義縣東北二十里唐初置縣屬
南昌州尋廢為驛

舊魚門縣舊府志在星子縣西五十里走馬湖中今石
街尚存驛路南通建昌西通德安縣

都昌舊城舊府志在王家市至今名衙前去縣北九十
里

上繚營舊府志在建昌縣南一十七里豐安鄉昌邑王

賀所築今為民地沙埠

鎮遏營舊府志去建昌縣東四里在永豐鄉漢建安八年孫策以劉磐數寇艾命太史慈為建昌都尉築營拒之後鎮將楊譚移於法淨寺側址為民地

楊成公營舊府志在都昌縣西北八十里隋開皇中因兵亂成公建

保定水軍上萬戶府舊府志宋增置其屬有中山大都等十八翼今其址為星子縣學又治東有忠節營治

西有成果營又有牢城營皆宋建

羽章館舊府志在相思澗漢建今廢名勝志在府城北
二十五里尋真觀是其故址

冷水臺林志在建昌縣治西晉吳猛遊息之所其地有
泉極清冷故名

釣魚臺舊府志在都昌大磯山下晉陶侃嘗垂釣於此
劉柏詩八翼排天門一梭躍秋水竿頭數尺絲釣老
西山雨

董奉館太平御覽董奉侯官人少有道術居此山多救
人疾苦種杏於北山十數年萬株結實奉乃多置倉
廩宣言人買杏多少不須來報但一器穀一器杏多
者則為猛獸所害人無敢欺者得穀悉賑貧乏舊府
志在醉石東去郡西二十五里

湖莊舊府志晉石崇立即今星子縣基

醉卧石尋陽記陶潛栗里今有平石如砥縱橫丈餘相
傳靖節先生醉卧具上在廬山南

五柳館太平寰宇記在棲隱寺側五柳先生之舊宅也
今廢

歸去來館朱子詩注在歸宗寺西五里尋為僧居

國朝雍正八年南城陶檢討成購而新之觀察樓儼有
題詞

淵明舊居名勝志城西七里為玉京山亦名上京有淵
明舊居其詩云疇昔家上京即此當湖之濱一峰最
秀東西雲山烟水數百里浩淼縈帶皆列几席前

陸修靜故居舊志在邵西十三里簡寂觀前有朝真白
雲二館今廢名勝志修靜劉宋時吳興人有道術文
帝慕之製停霞寶箠使僕射徐湛賜焉明帝為設崇
虛觀通仙臺以待之至即求歸不許遂卒於京賜謚
簡寂先生赴召時挾布囊出逝之日布囊還懸廬山
舊居樹上

石壁精舍太平寰宇記在都昌縣西南一十一里傍臨
清江有石如鐸山西有層臺本謝康樂舊宅所言精

舍者謝詩云昏旦變氣候山水含清暉清暉能娛人
游子憺忘歸

翻經臺舊志在都昌縣南山野老巖下晉謝靈運翻經
之所

齊庾臺太平寰宇記在建昌縣東三里當白湖中梁尚
書庾肩吾齊永明三年之所置也

百花臺舊府志在白鹿書院

白石臺舊志在證道院前

觀魚臺舊志在府西五里落星灣

金獅臺舊志在乾壽院前

八仙臺舊志在南山絕頂濶方丈

觀瀑臺府志在東古山之東去府城西南十里

虛白館舊府志在邵北二十五里五老峰九疊屏下唐

道士譚紫霄建

白鹿洞新志在城北二十里廬山五老峰下唐李渤讀

書處以洞初蓄有白鹿故名餘詳書院

蕭公草堂柳識記海昏縣東北一二里有澄陂永泰初
檢校左司郎中蘭陵蕭公置草堂於陂上偶然疏鑿
從其易也虛楹東向清曠十里紫篠為門蔬圃取給
止足於斯士君子皆仰其清達也

太白書堂廬山志在五老峰下林志李白嘗至此愛其
險峭嘆曰天下之壯觀也因卜築讀書於此

鄒陽亭林志在都昌縣東十里唐咸通間縣令陳杲建
美魚亭名勝志在都昌縣西三十步唐元和十二年邑

令李偁建於白蓮池側

養生亭林志在都昌縣治東南唐邑令李偁建於池上
春則買魚養於池中以供公需

劉軻草堂舊志在凌雲峰下軻徐人天寶之亂隱居廬
山草杉之東建草堂讀書後登第歷官史館修撰有
文名東西二林碑記多其手筆後其址廢為凌雲庵
迎仙亭舊志唐逸士張公勤建

茂陰亭舊志在星子縣西北二十里栖賢寺外唐元和

間建今廢

喚渡亭名勝志在建昌縣修水南唐白居易謫江州司馬嘗過此作詩云建昌江水縣門前立馬教人喚渡船好似當年歸蔡渡草風花雨渭河邊宋黃庭堅書詩刻石亭中

元集虛隱居舊志虛河南人貞元間避地來居廬山之相思澗白樂天在江州時嘗與往來贈詩曰聲來枕上千年鶴影落杯中五老峰更愧殷勤留客宿魚鮮

飯細酒香濃

元十八溪亭白居易詩自注在廬山東南五老峰下
折桂亭林志在府治西二十里凌雲峰下唐李逢吉讀
書於此後登進士故名朱子詩竹帛有遺臭桂樹徒
芬芳惡逢吉也

楊衡隱居廬山志在五老峰下唐詩紀事楊衡者元和
中詩人常居廬山桑䟽隱居今不知處

符載隱居桑䟽符載者蜀人也與楊衡並善為詩偕隱

五老峰下隱居今不知處

陳貺隱居桑疏貺閩人南唐時與叔陳沆隱紫霄峰下
力田自食踰三十載學者師之後徵至金陵且官之
固辭遂賜粟帛遣歸

駐節亭桑疏在棲賢寺側南唐元宗遷豫章時常幸棲
賢因建焉

披雲亭舊志在開先寺唐保大中建今廢

中主讀書臺廬山志南唐中主李璟讀書處在開先寺

名勝志在郡城西十五里臺側有聰明泉

白雲庵名勝志谷簾泉相對有白雲庵山巔有白雲洞
洞口有大石如牀輿地紀勝白雲庵前寶陀巖上有
御駕親至數字隱隱可辨人以為南唐元宗也

鄭元素隱居廬山志在五老峰下青牛谷桑疏元素者
溫韜之甥也朱梁時韜盜發昭陵石函鐵匣所得前
代圖書及二王真蹟甚富後韜死元素盡得其圖
書真蹟避禍南徙隱居廬山青牛谷四十餘年所積

書千餘卷

柳宏書堂廬山志在紫霄峰下宋柳宏建昌人咸平間
舉進士為江州德化令過廬山愛之後官九卿歸築
書室於此今柳公庵其址也

致爽亭舊志在邵圃宋祖無擇建

心遠亭廬山志在栗里橋側有碑鐫心遠地自偏詩亭
廢碑尚存

重湖閣明一統志在府城潯陽門外林志宋知軍祖無

擇建前瞰揚瀾左蠡極目湖波與天相接蔣之奇詩
宮亭彭蠡接揚瀾浩蕩浮空六月寒試問風波何似
險亭僧只管倚闌干

御書閣林志在府學內宋慶厓間知軍程師孟建

觀景臺林志在邵城外延壽寺左面瞰彭蠡沙鳥風帆
舉集目前宋咸平中建

愛堂林志在廬山棲賢寺側宋知軍祖無擇能愛民嘗
遊棲賢既去民為建堂

五老亭林志在府治圃宋知軍孫喬年建蘇東坡書額
觀瀾閣林志在府學前宋崇寧間知軍孫喬年建

望雲亭林志在府西二十五里歸宗寺前沃壤平曠禾
稷暢茂望之若雲宋王介甫詩我知新亭望雲好欲
斲此隣成二老

陳圓隱居名勝志在郡西後山黃山谷贈以詩云城中
咫尺雲橫棧獨立前山望後山又題其堂曰獨善淳
熙間朱子名其坊曰兼善

陳慕寓居廬山志在邵西後山慕字必正宋人少從陳
瑩中劉壯與蘇養直遊舉進士歷任州縣有聲或勸
使求邵不從歷倅洪潭明三邵歸以祖業遜兄寄寓
後山號星灣

馮去疾別墅舊志在邵前山因以自號今廢

劉凝之隱居舊志在冰玉澗側朱子記南康使君魯致
虛旣葺劉公屯田之墓明年乃訪得其故居遺址於
邵之東披荆往觀其北隱然以高者則劉公所賦之

東臺也其南穴然以下者則詩序所指之蓮池也

永玉堂舊志在郡圃劉凝之故居蘇轍嘗曰凝之父子
廉潔不撓永清而玉剛鄉人因以名堂有張耒記兵
亂以來僅存其地淳熙中曾致虛為郡贖之民間垣
而構之以合於郡圃復作永玉之堂繪劉公父子像
於其上而併繪陳忠肅公像以侑焉朱子并請刻陳
令舉騎牛詩畫於堂上以補一時故事之缺有朱子

記

是是堂張耒詩題漫浪翁劉壯興年過壯久不仕嗜學
著書自名漫浪所居之園林堂室皆以是名之宋史
劉義仲字壯興政和中召為編修官至京師不謁權
要耒幾致仕歸廬山一時公卿賦詩三世繼美尤不
易云晁以道嵩山集云劉壯興家於廬山之陽自其
祖父凝之以來貽子孫者惟圖書而已

按陳后山記是是堂本義仲官鉅野時所作然攷
張耒詩題云所居之園林堂室皆以是名之則壯

與歸廬山後人必仍建是堂於所居矣故朱子永
玉堂記亦云魯侯致虛既修葺屯田之基明年復
訪得其故居遺址贖之民間遂作永玉之堂既而
所謂是是堂漫浪閣者亦以次舉而皆復其舊

漫浪閣林志在星子縣神林浦東岸宋劉壯興建自號
漫浪翁

清淨退庵朱子詩自注在棲賢西三里劉凝之舊作亭
取黃太史詩語名之系疏劉渙隱居落星灣常乘黃

犢往來廬山中尤愛寶峰西澗之勝數就憩焉寶峰之僧因結茅以居之自稱西澗居士後朱子知軍州事時即寶峰舊址立清淨退庵及靜隱亭以表之

百花園舊府志在萬壽寺北

時園舊府志在神林浦東岸

盛多園舊府志在黃湖里村中宋彭梅坡與子端明遊覽處

謝景仙隱居廬山志在紫霄峰虛谷間宋錢昌武山居

記謝景仙嘉祐中始遊匡廬得虛谷卜焉桑疏景仙
宋人謂紫霄乃董奉所居故結廬焉

劉弇書堂桑疏在凌雲峰下通考弇廬陵安福人登元
豐二年進士仕為著作佐郎侍御史

李氏山房蘇長公集李公擇少時讀書於五老峰下白
石庵之精舍公擇既去山中之人思之指其所居為
李氏山房淮海集公擇皇祐中進士累官御史中丞
少時讀書於白石庵後雖出仕而書藏山中每得異

書輒益之至九千卷朱子詩自注在折桂西十里李公擇讀書處有東坡記文詩刻枯樹墨跋

遠明閣輿地紀勝建昌尉廳前有遠明閣前揖西山俯瞰修水宋元祐中建

使星亭林志在府治建昌門側宋知軍朱端章建望雲亭王臨川集有南康晏使君望雲亭詩

直節堂樂城集南康太守廳事之東有堂曰直節朝請大夫徐君望聖之所作也庭有八杉長短鉅細若一

直如引繩高三尋而後枝葉附之凜然如公卿大夫
有不可犯之色公見而憐之作堂而以直節命焉明
一統志朱子至求其遺節不存獨廳事南有堂無額
而庭中有老柏馬生意殆盡屹立不僵如志士仁人
更歷百變而凜然不衰因取直節寓之此堂以彷彿
前賢之意

靜復堂林志在建昌縣治南宋元豐間邑令皮惟甫建
信堂林志在建昌縣治後又有製錦堂在縣治西俱宋

紹興間邑令戚善建

望仙亭林志在建昌縣西南宋元豐中縣尉李獻夫建
雲鄉閣舊志在開先寺內宋建趙良燾詩又攜藜杖過
山河重看雲鄉景若何瀑布東西垂玉帶山屏前後
疊青螺風因竹少涼無價月為樓高明更多獨倚闌
干無箇事新詩改就自長哦

漱玉亭朱子詩注在萬杉西二里亭舊在橋上今廢明
一統志在開先寺後宋僧若愚建

崔誠老隱居廬山志在玉京山東南之玉澗桑疏宋崔
誠老名閑博學高逸不事進取廬於玉澗之上以琴
自娛名其廬曰睡足庵而自號曰玉澗道人

薛處士山堂桑疏在凌雲峰下舊志旣宋人右補闕登
之後號書倉為南海書記秩滿入廬山築室居之扁
曰薛處士山堂後起為諫議大夫未幾復歸山題舊
壁曰重來閒院靜喜對故山青

李庭筠書堂廬山志在金印峰下舊志在五老峰下

愛蓮堂興圖備攷在府治後林志宋周元公知軍州時鑿池種蓮後人因作堂朱子書愛蓮二字顏之

壯節亭朱子記淳熙己亥假守南康始至訪求先賢遺跡得故尚書屯田員外郎劉公凝之之墓於城西門外草棘中乃為作小亭於其前邵之詩人史駒請用歐陽公語名為壯節因屬友人黃銖大書以揭焉

石室書堂舊府志宋陳準建在師林嶺朱子扁曰石室書堂今廢名勝志去府城西南十里準字正臣星子

人祖圖父墓三世皆盛年納祿鄉里高之

識真亭林志在府治西北二十五里三級泉下朱子復
書院時建往來登覽躋攀至此欣然忘疲得其真趣
不能舍去故名

西原庵名勝志在幽邃山前去府治北十七里朱子記
成紀崔嘉彥壯歲避地巴東三峽之間修神農老子
術東下吳越以耕戰之策干故相趙忠簡公會公去
相不果行自是絕跡此山按陳令舉所述圖記得西

原庵故址於卧龍瀑布之東築室居焉耕田種藥僅足以自給而四方往來之士皆取給焉其疾病老孤無所與歸之人至者皆收養之

卧龍庵朱子自記卧龍庵在廬山之陽五乳峰下劉君隱居也庵之西蒼崖四立怒瀑中瀉大壑淵深有黃石數丈在激浪中蜿蜒飛舞若龍故名卧龍余已上章乞解郡紱乃屬西原隱者崔君嘉彥因其舊址縛屋數椽以俟命下而徙居焉既又緣名潭之義畫諸

葛武侯像置之堂中而故友張敬夫嘗為賦詩以紀其事府志去邵北二十里

張錦亭林志在府治南朱子建

勘書臺廬山志在白鹿書院東宋李萬卷校書之所朱子訪求遺跡建亭其上

白鹿總館舊志有二一在邵學東一在邵北顏家山宋淳熙間朱子建以為諸生入城館穀之所

光風霽月亭桑疏舊在卓爾山巔後移於風雲石北岸

今廢

風雱亭白鹿洞志在風雱石上蔭喬木下俯湍流朱子每與諸生列坐其下

風泉雲壑亭廬山志在白鹿書院勘書臺西林志有泉自洞左流至石崖為懸瀑者十餘丈朱子愛之號為小瀑布後李山長為亭以石上舊有風泉雲壑四字故名

起亭林志在府治西北二十里下臨卧龍潭朱子知軍

州時建以為遊覽之所值歲方旱因名曰起以為龍之淵卧者可以起而天行矣

修白亭林志在卧龍庵前朱子愛其景致清爽初小亭於側名曰修白

靜廉堂林志在府治後圃宋朱子建

雲錦閣林志在府後圃宋乾道間知軍孫嗣祖建

雲章閣廬山志在白鹿書院講堂之東宋開禧中李山

長建

瀟灑亭林志在郡圃宋知軍孫嗣祖建

芳麗亭林志在府治圃中宋知軍陸德興建

回春亭林志在郡圃

真意亭林志在府治後宋淳祐間知軍陸德興建

為霖亭林志在府西二十五里歸宗寺側一滴泉後淳

熙間朱子禱雨有感遂建亭

萬竹亭林志即綠筠亭在廬山開先寺內宋知軍樓杓

喜其萬竹森然瀟灑清虛故初亭名之

四會亭桑疏開先寺前招隱泉左二百步外叢篠之後
路口有披雲亭稍前即楊梅亭基又稍前當四達之
衢即古四會亭林志宋淳熙中建

朝陽閣舊府志在都昌縣宋江文忠公建理宗書朝陽
閣三大字

千歲靈根亭名勝志縣北五里冷水觀側有千歲靈根
亭晉植松樹盤屈奇怪名曰壽松相傳許遜嘗挂劍
其上亦名挂劍松宋寶慶初知縣曹幽初亭刻石

寒泉亭林志在府西北二十里玉淵潭側泉極清冷雖
盛夏炎蒸至其傍而毛髮自爽

滴翠亭舊志在府西十里萬杉寺側後有三分池水自
山椒垂注石上跳躍如珠更名散珠亭

星子樓林志在府治西南半里宋邑令李適建

和風樓林志在府治東南一里星江館前宋知軍史文
卿建

文獻堂林志在都昌縣排門舊址宋劉彥成十二世孫

野塘建江文忠彭文定見其圖籍之富禮文之盛故名

就日堂林志在五老門外宋知軍方岳建

廣生堂林志在郡南福星門外宋知軍史文卿建

愛江樓林志在府治西南一里清暉樓西石堤上宋紹

定間知軍史文卿建

面面亭林志在郡圃宋知軍史文卿建人名龜巢亭與

六老堂對

詠歸亭林志在邵圃宋知軍趙彥驥建

清暉樓廣輿記在府治西南林志宋知軍趙彥驥建後

為臨津樓

枕流亭見題志嘉定戊辰番陽李駿經小三峽愛清泉
之奔流懸崖之對峙出索貲與白鹿洞諸生朐亭峽
上後十年戊寅莆田陳必復鼎新崇大之扁以枕流
壽樟亭明一統志在建昌縣南一百步宋嘉泰中縣令
趙時通建初邑人李公懋仕高宗朝上嘗顧問樟公

安否對曰枝葉扶疎歲寒獨秀何萬幾之暇惓惓遐方一樟哉紹定間縣令陳文孫繪圖刻石

六老堂趙師夏自記假守郡符承命而來官事之餘得與五老人者揖讓於几席之上作屋數楹寓之郡圃與峰相直名曰六老堂

按明王禕亦有六老堂記謂後人以朱子配五老而為六與此堂無涉

同元亭劉辰翁記周嗣翁為亭池上池蓮花葉萬柄嗣

翁倚風亭欄零露忘歸慨然曰吾家濂溪公見性體
於此矣求予書愛蓮二字亭上予為改曰同元之亭
一川風月亭摺文安集有題胡信夫一川風月亭詩
交讓木潯陽記都昌縣東北一百里黃金山上有南樹
一年東榮西枯一年西榮東枯張華所謂交讓木也
六朝松廬山續志簡寂觀前古松數十株相傳六朝時
物或云種自修靜

復生松廬山志達觀僧來匡廬至歸宗殿堂幾敗寺前

有大松亦枯乃撫松祝曰如寺當興汝復生也後果
驗因名松曰復生

丞相柏名勝志在都昌縣孝行鄉宋丞相江古心手植
枝榦凌空清陰覆地人以為義氣所鍾

釣魚臺名勝志在府西東古山麓明侍講余南坡釣魚
之所

釣臺亭廬山志在鹿洞書院之西桑疏提學李夢陽建
有記

大意亭林志大意亭與釣臺亭對正德庚辰唐龍建

六合亭廬山志在白鹿洞迴流山巔洞志明正德辛未

邵守劉章建李夢陽為記


獨對亭邵寶記南康白鹿書院勝在五老負而弗鄉若
闕典者周覽之餘欲為亭以對之役者曰此文公先
生舊游也亭成名曰獨對重公蹟也

高美亭桑疏在卓爾山巔嘉靖中御史徐忬建

朋來亭白鹿洞志在思賢臺北山絕頂提學王宗沐建

寶墨亭廬山續志在開先寺明觀察王世懋建以覆黃
庭堅手書七佛偈及王守仁平宸濠記功碑者王世

貞作記



江西通志卷四十一